




Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs



Broj: 06-45-33/20
Sarajevo, 11.12.2020. godine

**Ured za borbu protiv korupcije i
upravljanje kvalitetom**
Ul. Reisa Džemaludina Čauševića 1
Sarajevo 71 000

PREDMET: Objašnjenje i tumačenje o primjeni Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj 37/20),
- Veza Vaš Akt broj: 20-45-33-655/20, dostavlja se ;

Poštovani,

Uredba o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (u daljnjem tekstu: Uredba) koju je donijela Vlada Kantona Sarajevo stupila je na snagu narednog dana od dana objave u Službenim novinama Kantona Sarajevo i to **18.09.2020.** godine.

- Stavom (1) člana 1. predmetne Uredbe jasno je propisano da jedinstvene kriterije i pravila za zapošljavanje branilaca i članova njihovih porodica primjenjuju kantonalni organi uprave i kantonalne upravne organizacije, Grad Sarajevo, općine u Kantonu Sarajevo, kao i sva pravna lica čiji je osnivač Kanton, Grad Sarajevo ili općina u Kantonu Sarajevo, odnosno ukoliko se finansiraju iz budžeta sa učešćem od najmanje 25%. Iz navedenog nesporno proizilazi da se ova Uredba primjenjuje prilikom odabira kandidata za zapošljavanje u naprijed navedenim subjektima u svim oblastima.

- Ističemo da Uredba nije u koliziji sa primjenom: Zakona o državnoj službi u Kantonu Sarajevo; Zakona o namještenicima u organima državne službe u Federaciji BiH; Zakona o radu Federacije BiH; Zakona o policijskim službenicima Kantona Sarajevo; Zakona o srednjem odgoju i obrazovanju, Zakona o osnovnom odgoju i obrazovanju, Zakona o visokom obrazovanju Kantona Sarajevo, Uredbom o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji Kantona, Grada i Općine, te privrednim društvima u kojima Kanton, Grad ili općina učestvuju sa više od 50% ukupnog kapitala; te drugim propisima kojima se uređuju radni odnosi.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1



- Primjena kriterija za vrednovanje po ovoj Uredbi počinje nakon bodovanja po osnovu ispunjavanja općih i posebnih uvjeta za zapošljavanje na radno mjesto, nakon kompletno provedene procedure uključujući i intervju, te ona ni na koji način ne ometa ispunjavanje procedura zapošljavanja propisanih zakonima i drugim propisima kojima se uređuju radni odnosi. Neophodno je napomenuti da je i ranije u sadržaju svih zakona koji regulišu boračko invalidsku zaštitu, kako federalnih, tako i kantonalnom, postojala obaveza prioriternog zapošljavanja pripadnika ove populacije, samo je ovom Uredbom Vlada Kantona Sarajevo konačno konkretno uredila jedinstvene kriterije i pravila za zapošljavanje branilaca i članova njihovih porodica.

- U organima državne službe u Kantonu Sarajevo kada se zapošljava državni službenik, postupak bodovanja po Uredbi se vrši na način da **rukovodioc** organa nakon završenog konkursa **na listu uspješnih kandidata** koja je dostavljena od strane Agencije za državnu službu Federacije BiH na kandidate, **primjeni** Uredbu i izvrši dodatno bodovanje kandidata na koje se ista odnosi, a kako stoji u samoj Uredbi po članu 39. stav (2) i (3) Zakona o državnoj službi u Kantonu Sarajevo (“ Sl. Novine Kantona Sarajevo “ , broj 31/16 i 45/19);
- U organima državne službe u Kantonu Sarajevo kada se zapošljava namještenik, preporuka je da komisija koju imenije rukovodioc organa provede konkursnu proceduru sa određenim kriterijima, a nakon toga izvrši dodatno bodovanje po Uredbi;
- Postupak bodovanja po Uredbi, kada se radi o zapošljavanju lica u Javnom sektoru, vrši se na način da nakon završene konkursne procedure, rukovodioc organa izvrši dodatno bodovanje po Uredbi;
- Ako se radi o zapošljavanju lica u odgojno-obrazovnim Ustanovama, dostavljamo Vam Akt ovog organa broj: 06-30-37234-3720 od 15.10.2020. godine .

- Zapošljavanje pripadnika boračke populacije i njihove djece, posebno djece šehida i poginulih, umrlih i nestalih branilaca je nesporan javni interes, pogotovo u situaciji kada se ta djeca zapošljavaju samo pod uvjetom da su ispunila sve opće i posebne uvjete za zapošljavanje na radno mjesto po raspisanom konkursu.

Ovom prilikom želimo vas upoznati da je upućena inicijativa premijeru Vlade Federacije BiH, kako od strane ovog ministarstva, tako i od Koordinacije boračkih udruženja na nivou Federacije BiH, da se u istom tekstu ova Uredba donese i na nivou Federacije BiH sa obavezom usklađivanja u svim kantonima u Federaciji BiH.

Obradio : Hašim Halilović, dipl. pravnik

Kontrolisali : mr. Belma Adilović
mr. Osman Smajlović

Prilog : Akt broj: 06-30-37234-3/20

Dostaviti:

-Naslovu,

-a/a.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1

